

সহীহ হাদীসের আলোকে
সিজদায় যেতে হাতের পূর্বে হাঁটু রাখা

রচনায়:

হাফেয মাওলানা মুফতী অকিল উদ্দিন যশোরী
সহকারী মুফতী, দারুল ইফতা খাদেমুল কুরআন ওয়াস সুন্নাহ, চট্টগ্রাম।

সহীহ হাদীসের আলোকে
সিজদায় যেতে হাতের পূর্বে হাঁটু রাখা

রচনায়:

হাফেয মুফতী অকিল উদ্দিন যশোরী

মুতাখাসসিস ফিল হাদীস ওয়াল ফিকহ

সহকারী মুফতী- দারুল ইফতা খাদেমুল কুরআন ওয়াস সুন্নাহ
গফুর ভিউ এ/১৫৫৫ রাজাখালী, চাঙ্গাই, চট্টগ্রাম।

মোবাইল: ০১৮১২-৫১৯৫৮৯, ০১৯১৭-০৭২৯৩৫

সর্বস্বত্ব:

লেখক কর্তৃক সংরক্ষিত

প্রকাশক:

জনাব অলিয়ার রহমান স্মরণে

মুফতি অহিদ ইসলামী গবেষণাগার কৈখালী, সদর, যশোর।

প্রকাশকাল:

০৯ জানুয়ারী ২০১৬ ঈসায়ী, ২৭ রবিউল আওয়াল ১৪৩৭ হিজরী

কম্পিউটার: অকিল উদ্দিন সোহাগ

মূল্য: ১৫ (পনের) টাকা মাত্র।

বইটি পড়তে ভিজিট করুন

www.kafelaehaque.com

Sohih Hadiser Alope Sij dai Jete Hater Purbe Hantu Rakha

By: **Mufti Wakil Uddin Jessoree**

Specialist in Hadith & Islamic law.

Assistant Mufti: darul ifta khadimul quran was sunnah, Chittagong.

Price : 30/- Tk Only.

আহলে হাদীস বন্ধুগণ সিজদায় যেতে প্রথমে হাত, তারপর হাঁটু রাখেন। অথচ সহীহ হাদীসের আলোকে প্রমাণিত, প্রথমে হাঁটু ও পরে হাত রাখবে। আহলে বন্ধুগণের

পেশকৃত দলিল,

عَنْ أَبِي هُرَيْرَةَ قَالَ قَالَ رَسُولُ اللَّهِ يَعْمَدُ أَحَدُكُمْ فِي صَلَاتِهِ فَيَبْرُكُ كَمَا يَبْرُكُ الْجَمَلُ.

হযরত আবু হুরায়রা রা. থেকে বর্ণিত, তিনি বলেন, রাসূল সাল্লাহু আলাইহি ওয়াসাল্লাম বলেছেন, তোমাদের কেউ নামাযে বসতে চায়, এরপর সে এমনভাবে বসে যেভাবে উট বসে।^১

عَنْ أَبِي هُرَيْرَةَ قَالَ قَالَ رَسُولُ اللَّهِ إِذَا سَجَدَ أَحَدُكُمْ فَلْيَضَعْ يَدَيْهِ قَبْلَ رُكْبَتَيْهِ وَلَا يَبْرُكْ بَرُوكَ الْبَعِيرِ.

হযরত আবু হুরায়রা রা. থেকে বর্ণিত, তিনি বলেন, রাসূল সাল্লাহু আলাইহি ওয়াসাল্লাম বলেছেন, তোমাদের কেউ যখন সিজদা করবে, তখন সে যেন হাঁটু স্থাপনের পূর্বে তার উভয় হাত স্থাপন করে আর সে যেন উটের বসার মত না বসে।^২ হাদীস দু'টি মা'লুল তথা ক্রটিযুক্ত।

ইমাম তিরমিযি রহ. বলেন,

حديث أبي هريرة حديث غريب لانعرفه من حديث أبي الزناد إلا من هذا الوجه
وقد روي هذا الحديث عن عبد الله بن سعيد المقبري عن أبيه عن أبي هريرة عن
النبي صلى الله عليه وسلم
و عبد الله بن سعيد المقبري ضعفه يحيى بن سعيد القطان وغيره

^১ . নাসায়ী শরীফ ২/২০৬ হা. ১০৯০ নামায আরম্ভ অধ্যায়, সিজদায় সর্বাগ্রে যে অঙ্গ যমীনে পৌছবে পরিচ্ছেদ।

তিরমিযি শরীফ ২/৫৭ হা. ২৬৯ নামায অধ্যায়, সিজদার সময় দুই হাত রাখার পূর্বে দুই হাঁটু রাখা পরিচ্ছেদ, এ বিষয়ে আরো একটি অনুচ্ছেদ।

^২ . নাসায়ী শরীফ ২/২০৬ হা. ১০৯১ নামায আরম্ভ অধ্যায়, সিজদায় সর্বাগ্রে যে অঙ্গ যমীনে পৌছবে পরিচ্ছেদ।

আবু হুরায়রা রা. এর বর্ণিত এই হাদীস গরীব। বর্ণনাকারী আবু যিনাদ থেকে অন্য কোনভাবে এটির বর্ণনা আছে বলে আমাদের জানা নেই।

আব্দুল্লাহ ইবনে সাইদ আলমাকবুরী এর সূত্রেও আবু হুরায়রা রা. থেকে এই হাদীস বর্ণিত আছে।

হাদীস বিশেষজ্ঞ ইয়াহয়া ইবনে সাইদ আলকাত্তান প্রমুখ আব্দুল্লাহ ইবনে সাইদ আলমাকবুরীকে যরীফ বলেছেন।^৩

হাদীসে বর্ণিত আবু যিনাদ এর ছাত্র “মুহাম্মাদ ইবনে আব্দুল্লাহ আলহাসান”। ইমাম বুখারী রহ. বলেন, “মুহাম্মাদ ইবনে আব্দুল্লাহ আলহাসান” দ্বারা তাবে তথা সমর্থনযোগ্য হয় না। আমি জানিনা তিনি আবু যিনাদ থেকে শুনেছে কি না।^৪

ইবনুল কায়্যিম রহ. বলেন,

অনেক বর্ণনাকারী হযরত আবু হুরায়রা রা. এর হাদীস পরিবর্তন করেছেন।

মূলত এমন হবে- "وَلِيَضُّعُ رُكْبَتَيْهِ قَبْلَ يَدَيْهِ" হাত রাখার পূর্বে হাঁটু রাখবে।

আর ওয়ায়েল ইবনে হুজর রা. এর হাদীস সঠিক।^৫

আর হাদীসে বলা হয়েছে যে, অনেকে উটের ন্যায় বসে। কিন্তু রাসূল সা. উটের ন্যায় বসতে নিষেধ করেছেন।

عَنْ ابْنِ عُمَرَ أَنَّ رَسُولَ اللَّهِ كَانَ إِذَا سَجَدَ يَضُّعُ يَدَيْهِ قَبْلَ رُكْبَتَيْهِ

হযরত ইবনে ওমর রা. থেকে বর্ণিত, রাসূল সাল্লাল্লাহু আলাইহি ওয়াসাল্লাম যখন সিজদা করতেন, হাঁটুর পূর্বে হাতদ্বয় রাখতেন।^৬

হাদীসটি ক্রেটিয়ুক্ত।

ইমাম বায়হাকী রহ. বলেন,

يَنْفَرُدُّ بِهِ مُحَمَّدٌ بْنُ عَبْدِ اللَّهِ بْنِ الْحَسَنِ وَعَنْهُ الدَّرَاوَرْدِيُّ.

^৩. তিরমিযি শরীফ ২/৫৭ হা. ২৬৯ নামায অধ্যায়, সিজদার সময় দুই হাত রাখার পূর্বে দুই হাঁটু রাখা পরিচ্ছেদ, এ বিষয়ে আরো একটি অনুচ্ছেদ।

^৪. আততালীকুল হাসান পৃ. ১৬৫ নামাযের বৈশিষ্ট পরিচ্ছেদ, সিজদায় যেতে হাঁটুর পূর্বে দু'হাত রাখা অনুচ্ছেদ।

^৫. যাদুল মা'আদ ফি খায়রিল ইবাদ ১/২১৫ নামাযে রাসূল সাল্লাল্লাহু আলাইহি ওয়াসাল্লাম এর উপর হাদীয়া, সিজদা ও তা থেকে উঠার পদ্ধতি অনুচ্ছেদ।

^৬. সুনানে দারাকুতনী ১/৪৫৫ হা. ১৩১৯ নামায অধ্যায়, রুকু সিজদার আলোচন।

“মুহাম্মাদ ইবনে আব্দুল্লাহ ইবনে হাসান তার থেকে দারাওয়ারদী এর হাদীস বর্ণনা মুতাফাররিদ তথা একক বর্ণনাকারী।”^১

وَلَعَبْدِ الْعَزِيزِ الدَّرَّاورِدِيِّ فِيهِ إِسْنَادٌ آخَرٌ وَلَا أَرَاهُ إِلَّا وَهْمًا.

আব্দুল আযীযের অন্য সনদে মারফু হাদীস বর্ণিত রয়েছে। তা ওয়াহাম তথা সন্দেহযুক্ত।^২

হাদীসের সনদে “আব্দুল আযীয ইবনে মুহাম্মাদ আদদারাওয়ারদী তিনি উবায়দুল্লাহ থেকে বর্ণনায় মুতাফাররিদ তথা একক বর্ণনাকারী।”^৩

সুতরাং একথা প্রমাণিত হলো, সিজদায় যেতে হাঁটুর পূর্বে হাত রাখার হাদীস যযীফ।

সিজদায় যেতে হাতের পূর্বে হাঁটু রাখা

عَنْ وائِلِ بْنِ حُجْرٍ قَالَ رَأَيْتُ النَّبِيَّ صَلَّى اللَّهُ عَلَيْهِ وَسَلَّمَ إِذَا سَجَدَ وَضَعَ رُكْبَتَيْهِ قَبْلَ يَدَيْهِ وَإِذَا نَهَضَ رَفَعَ يَدَيْهِ قَبْلَ رُكْبَتَيْهِ.

হযরত ওয়ায়েল ইবনে হুজুর রা. থেকে বর্ণিত, তিনি বলেন, আমি রাসূল সাল্লাল্লাহু আলাইহি ওয়াসাল্লামকে নামায পড়াকালে সিজদায় যাওয়ার সময় (মাটিতে) হাতের পূর্বে হাঁটু রাখতে দেখেছি। তিনি সিজদা থেকে দাঁড়াবার সময় হাঁটুর পূর্বে হাত উঠাতেন।

ইমাম তিরমিযি রহ. হাদীসটিকে হাসান বলেছেন।^৪

عَنْ عَبْدِ الْجَبَّارِ بْنِ وائِلٍ عَنْ أَبِيهِ أَنَّ النَّبِيَّ صَلَّى اللَّهُ عَلَيْهِ وَسَلَّمَ فَذَكَرَ حَدِيثَ الصَّلَاةِ قَالَ فَلَمَّا سَجَدَ وَقَعْنَا رُكْبَتَاهُ إِلَى الْأَرْضِ قَبْلَ أَنْ تَقَعَ كَفَاهُ

হযরত আব্দুল জব্বার ইবনে ওয়ায়েল ইবনে হুজুর রা. এর সূত্রে বর্ণিত, তিনি রাসূলুল্লাহ সাল্লাল্লাহু আলাইহি ওয়াসাল্লামের নামায সম্পর্কে কিছু হাদীস বর্ণনা

^১. আস সুনানুল কুবরা ২/১০০ হা. ২৭৪১ নামায অধ্যায়, হাঁটুর পূর্বে হাত রাখা পরিচ্ছেদ।

^২. আস সুনানুল কুবরা ২/১০০ হা. ২৭৪৩ নামায অধ্যায়, হাঁটুর পূর্বে হাত রাখা পরিচ্ছেদ।

^৩. আততালীকুল হাসান পৃ. ১৬৬ নামাযের বৈশিষ্ট পরিচ্ছেদ, সিজদায় যেতে হাঁটুর পূর্বে দু’হাত রাখা অনুচ্ছেদ।

^৪. সুনানে তিরমিযি ২/৫৬ হা. ২৬৮ নামায অধ্যায়, সিজদায় হাতের পূর্বে হাঁটু রাখা পরিচ্ছেদ।

সুনানে আবু দাউদ ১/৩১০ হা. ৮৩৮ নামায অধ্যায়, সিজদার সময় হাত রাখার পূর্বে হাঁটু রাখার বর্ণনা পরিচ্ছেদ।

সহীহ হাদীসের আলোকে সিজদায় যেতে হাতের পূর্বে হাঁটু রাখা

৬

করেন। তিনি বলেন, রাসূলুল্লাহ সাল্লাল্লাহু আলাইহি ওয়াসাল্লাম সিজদায় যেতে তার হস্তদ্বয় মাটিতে রাখার পূর্বে হাঁটুদ্বয় মাটিতে স্থিরভাবে রাখতেন।^{১১}

عَنْ وَائِلِ بْنِ حُجْرٍ قَالَ رَأَيْتُ رَسُولَ اللَّهِ إِذَا سَجَدَ وَضَعَ رُكْبَتَيْهِ قَبْلَ يَدَيْهِ وَإِذَا نَهَضَ رَفَعَ يَدَيْهِ قَبْلَ رُكْبَتَيْهِ .

হযরত ওয়ায়েল ইবনে হুজুর রা. থেকে বর্ণিত, তিনি বলেন, আমি রাসূল সাল্লাল্লাহু আলাইহি ওয়াসাল্লামকে দেখেছি, যখন তিনি সিজদা করতেন তখন তার হাতদ্বয়ের পূর্বে তার উভয় হাঁটু (যমীনে) স্থাপন করতেন। আর যখন উঠাতেন তখন হাঁটুর পূর্বে উভয় হাত উঠাতেন।^{১২}

অতএব সহীহ হাদীসের আলোকে প্রমাণিত হলো যে, নামায আদায় করার সময় সিজদায় যেতে প্রথমে হাঁটু তারপর হাত রাখবে। আল্লাহ তা'আলাই সর্বাধিক জ্ঞানী।

আল্লাহ তা'আলা সকলকে হক্ব বুঝে তা আমল করার তাওফীক দান করুন।
আমীন।

অকিল উদ্দিন যশোরী

সহকারী মুফতী, দারুল ইফতা খাদেমুল কুরআন ওয়াস সুন্নাহ,

গফুর ভিউ, এ/১৫৫৫, রাজাখালী, চাক্তাই, চট্টগ্রাম।

১২ সফর ১৪৩৭ হিজরী

২৬ নভেম্বর ২০১৫ ঈসায়ী

সকাল: ১০ : ২১ মিনিট

^{১১} . সুনানে আবু দাউদ ১/৩১১ হা. ৮৩৯ নামায অধ্যায়, সিজদার সময় হাত রাখার পূর্বে হাঁটু রাখার বর্ণনা পরিচ্ছেদ।

^{১২} . নাসায়ী শরীফ ২/২০৬ হা. ১০৮৯ নামায আরম্ভ অধ্যায়, সিজদায় সর্বাত্মে যে অঙ্গ যমীনে পৌছবে পরিচ্ছেদ।